

'Fluba nɛn Pɔl -a crɛn -tɛ Filipɔ 'nɔn lɛ

¹ An 'bɔ Pɔl 'lee Timote nɛn kɔ ci Zozi Crizi 'sunɔn 'a bɛ, kɔɛ 'fluba 'gʊɛ -a crɛn -tɛ. Kɔa crɛn -tɛ minnɔn pɛɛnɔn nɛn o drɛ Zozi Crizi -lɛ vɛ -a ɛn o ya Filipɔ 'fla bɛ -wlɛ. Kɔa crɛn -tɛ minnɔn nɛn 'o yiɛ -tɔa -leglizi -va 'lee minnɔn nɛn o "paa o va bɛ -wlɛ.

² -Kaa "tɪ Bali 'lee Minsan Zozi Crizi 'o 'wee "yi 'lee 'wee -fɔdɪ -trɔɔ -nɔn 'cɛɛ.

Pɔl Bali trɔ 'ba Zozinɔn nɛn Filipɔ flɔ bɛ -wlɛ

³ Tɔ -tɔdɔ pɛɛnɔn man -tɛ 'ka 'cin -trɔa 'an 'ji bɛ, an 'mɛn Bali muo -fɔa. ⁴ Tɔ pɛɛnɔn man, -tɛ "mɛɛn vɪ 'nan 'an Bali trɔ 'ba 'cee 'wɪ man bɛ, ci "nrandɪ -dan a 'an 'lɔ. ⁵ An Bali muo -fɔa, kɔɔ yi tɛdɛ nɛn ka wɪ Zozi man -trilii, -e 'e bɔ cɛɛgɔ yi -a bɛ, ka 'pa 'an 'va ɛn -kaa Bali -lɛ 'wɪ 'nɔnnɔn fuila "man. ⁶ An yi -tɛala "da 'nan, Bali 'bɔ nɛn e 'wɪ "yi zɪɛ -a pei 'trɔa 'ka 'va bɛ, yaa dra -e 'e 'kɔ 'e 'lɛ 'trilii, -e 'e 'lɛ sɔɔ tɔ nɛn Zozi Crizi -taa "man "bɛ -a.

⁷ -Tɛ 'wɪ zɪɛ -a -cin a 'an 'ji 'cee "wɛan bɛ -a -nɔan da nɛn, kɔɔ 'ka 'nan wɪ a 'an man 'kpa tɪgɪ. Tɔ nɛn tɛ an ya -pɔ 'kuin oo, ɛn tɔ nɛn tɛ 'an -tɔ 'kpa tɪgɪ Crizi -lɛ 'wɪ 'nɔnnɔn -sru minnɔn tanɔn yiɛ man oo, "yi "nɛn Bali -a drɛ 'mɛn bɛ e drɛ -kaa pɛɛnɔn 'lɛ vɛ -a. ⁸ -Tɛ maan 'vɪ 'nan an 'ka ye "yi "lɛ zɪ Zozi Crizi 'ka ye "yi "bɛ -yɛɛ 'wɪ 'zɔ bɛ, Bali -a -tɔa 'nan 'wɪ 'kpa nɛn.

⁹ ɛn 'wɪ nɛn maan laabo Bali lɔ tɛ an ya Bali trɔ 'banan bɛ -nyrɛn 'nan, yɪdɪ "yi 'e 'pa "da 'ka 'va, ɛn

'wɪ tɔdɪ 'lee 'wɪ 'fa 'si bli 'e 'kɔn 'ka yei, ¹⁰-e 'ka -kɔla 'wɪ nɛn e cɪ tɪglɪ bɛ -a -si siadɪ -a. -Te e drɛ zɪɛ, Zozi 'ta nyan bɛ, te ka ya 'saun, ɛn 'tɔ 'tɔ 'ka 'kɔan 'e 'padɪ 'ka man dɪ. ¹¹ ɛn "nyian bɛ te 'cee 'wɪ nɛn kaa drɛ 'trɛda bɛ, e ya 'e fadɪ Zozi Crizi -le 'wɪ "yi 'saza 'a. 'E drɛ zɪ, -e minnun 'o Bali 'tɔ 'sia -dan, te waa bɔa.

Pɔl 'e yra 'yɪ Bali -le 'wɪ 'nɔnnɔn vidɪ man

¹² 'An "bɔɪ Zozinɔn, an ya "vale 'ka -tɔ 'nan, 'wɪ nɛn e 'bɔ 'an man bɛ, -yɛɛ -maan ɛn Crizi -le 'wɪ 'nɔnnɔn fuila "man. ¹³ Kɔɔ 'sounjanun pɛɛnɔn nɛn 'o yiɛ -tɔa mingɔnnɛn -le 'kɔn 'va bɛ, 'lee 'flanɔn pɛɛnɔn waa -tɔ 'nan Crizi -le 'wɪ 'nɔnnɔn vidɪ man nɛn an ya -pɔ 'kuin. ¹⁴ Zɪ -kaa "bɔɪ Zozinɔn "kaga 'an 'yɪ -pɔ 'kuin bɛ, ɛn -wee yi -tɛradɪ Minsan da 'pa "da, -a -nan nɛn wa'a "klanlɛ "nyian dɪ, ɛn o Bali -le 'wɪ 'vɪ minnun lɛ.

¹⁵ Maan -tɔa 'nan min -mienun a o va bɛ, "o Crizi -le 'wɪ 'nɔnnɔn ve man bɔdɪ -a 'an 'va zia, ɛn waa ve -sa -fɔdɪ pɛ -ji. 'Pian min -mienun "o Crizi -le 'wɪ 'nɔnnɔn ve 'o 'ci 'fɪdaa 'a. ¹⁶ Minnun zɪɛ 'o dra 'an yɪdɪ "yi "le "wɛan. Kɔɔ waa -tɔa 'nan Bali 'an 'pla 'nan -e 'an 'tɔ Crizi -le 'wɪ 'nɔnnɔn -sru minnun tanɔn yiɛ man. ¹⁷ ɛn minnun nɛn "o Crizi -le 'wɪ 'nɔnnɔn ve -sa -fɔdɪ pɛ -ji 'an 'va zia bɛ, wa'a ve 'o 'ci 'fɪdaa 'a dɪ. E ya o ji 'nan "wɛɛ drɛ zɪɛ, te 'mɛn yra yɪdɪ 'paa "da -pɔ 'kuin. ¹⁸ 'Bɛ 'ka "mɛn 'ji fɛ -tɔ -a dɪ. -Te -wee ci "nrɔndɪ a -wɪdɪ oo, ɛn -te 'bɛ "cɛɛ dɪ 'o 'ci "nrɔnman "yi oo, -a pɛɛnɔn zɪɛ -a -ji bɛ, Crizi -le 'wɪ 'nɔnnɔn 'bɛ ve. 'Wɪ zɪɛ yaan 'ci "nranman.

ɛn yaan ci "nranman 'li 'trilii, ¹⁹ kɔɔ maan -tɔa 'nan, 'cee Bali trɔ 'badɪ 'lee Zozi Crizi lei 'saun nɛn yaan 'ta -nanjɛan "bɛ, -yee "wɛan an "sia 'wɪ 'ji. ²⁰ 'Wɪ zɪɛ 'an 'bli a "da, ɛn an yi -tɛala "da 'kpa tɪglɪ.

Maan -tɔa 'nan, Bali 'ka 'we "man-e 'yaan 'tɔɪ dɪ. An -taa Crizi 'tɔ dreɛɛ -dan 'an 'kɔɛɛ 'a minnun pɛɛnɔn yiɛ man. -Te an -ka oo, ɛn -te 'an yiɛ 'fɔ "man oo, an -taa -a 'tɔ dreɛɛ -dan 'kpa tɪgɪ "le zɪ maan dra tɔ pɛɛnɔn man bɛ -yee 'wɪ 'zɔ.

²¹ Maan ve zɪɛ, kɔɔ 'mɛn vɛ bɛ, -te 'an yiɛ a "man "bɛ, te an ya Crizi -le vɛ -a. ɛn -te an -ka bɛ, te e ciɪa "mɛn "da. ²² ɛn -pɛ -tɔ da zia bɛ, -te an yiɛ a "man "bɛ, te an Crizi -le 'nyranman "paa tian. -Nyɛn kɔ an 'si "va "bɛ, ma'an tɔa dɪ. ²³ Kɔɔ 'an 'fli ye "yi -pɛ "fli 'bɔ dave -a. An ya "vale an "sia 'trɛ 'gɔɛ -a da -e 'kɔ 'vale Crizi -a 'kɔ 'kɔn. 'Bɛ 'bɔ 'bɛ ci "yi "fo. ²⁴ 'Pian 'cee "wɛan -a "yi mlin -e 'an yiɛ 'e 'fɔ "man. ²⁵ An yi -tɛala 'wɪ zɪɛ -a da. -Yee "wɛan maan -tɔa 'nan, an -fo tian 'ka "srɔn, -e 'an 'pa 'ka pɛɛnɔn 'va, -e 'cee yi -tɛradɪ Zozi da 'e 'kɔ 'e 'lɛ, te 'ka 'ci a 'e "nrandɪ. ²⁶ ɛn "nyian bɛ -te an 'li 'an da 'ka 'va bɛ, -e 'mɛn 'lɔdɪ 'ka 'va 'e 'ka 'ci "nran 'e 'ciɪa "da, -e 'ka Zozi Crizi 'tɔ bɔ.

Ka yra ye Crizi -le "wɛan

²⁷ 'Pian -te 'wɪ oo 'wɪ nɛn e 'bɔ 'an man bɛ, 'cee 'ta wɔ -pɛ 'e -kɔɔn 'nan Crizi -le 'wɪ 'nɔnnɔn -sru "nɛn 'ka ci! ɛn -te ma'an 'ka yiɛ "nyian dɪ oo, 'pian 'an 'ka 'ta wɪ man 'nan, ka -fɔ Zozi -sru 'ta wɔnɔn tɪgɪ 'a. 'Ka 'ci 'e 'kɔn -tɔwli! ɛn 'ka 'wulo -ji "nrɔn 'wɪ -tɔwli "da, -e 'ka Zozi Crizi -le 'wɪ 'nɔnnɔn fuɪla "man min pɛɛnɔn 'va. ²⁸ Te nyɛn 'e 'kɔn 'ka 'ji 'ka 'nanmannɔn 'le 'wɪ nɛn waa dra 'cɛɛ bɛ -yee "wɛan dɪ. 'Wɪ zɪɛ -a drɛdɪ 'bɛ -kɔɔnman 'nan 'o 'fli 'si Bali man -kɔɔbli. Bali -taa "o -nan -nyanɛ. 'Pian 'cee vɛ bɛ, yaa -kɔɔnman 'nan, ka ya -si nɛn e min "sia 'wɪ 'ji bɛ -a da. ɛn 'wɪ zɪɛ e "sia Bali va. ²⁹ Kɔɔ Bali 'ka "yi "dreɛɛ 'cɛɛ 'nan -e 'ka yi -tɛra Crizi da 'saza dɪ, 'pian 'nan -e 'ka yra yɪ Crizi -le "wɛan. ³⁰ 'Bɛ nɛn 'gɔɛ, 'an

yra -tɔwli "nɛn maan 'yɪ bɛ, -a 'lein 'bɔ 'ji nɛn ka ci.
Kaan 'yɪ te an ya 'an yra yɪnan Crizi -le "wɛan, ɛn
kaa maan 'nan an ya yra yɪdɪ zɪɛ -a -ji "nyian.

2

¹ Maan -tɔa 'nan ka ya 'ka ɛadɪ Crizi man, ɛn 'wɪ
zɪɛ e 'ka "koe -tɔa 'ka da. ɛn 'ka cin siiman yɪdɪ "yi
"a. ɛn 'ka 'vale Bali lei 'saun 'a, 'ka yei "a 'e 'sɛndɪ 'e
cin va. ɛn 'ka cin nyirinda "sia. ² Ka 'wɪ pɛɛnɔn zɪɛ -a
dra, 'pian 'kaan 'ci "nran 'e 'cɪla "da. 'Ka 'ci -pɔan 'e
'kɔn -tɔwli, ɛn 'ka 'wɪ 'tɔwli "yɪ "yi, ɛn 'ka 'ci wɪ 'e 'kɔn
-tɔwli, ɛn 'ka 'wulo -ji "nrɔn 'wɪ -tɔwli "da. ³ Maan
ve 'cɛɛ 'nan, te 'ka 'wɪ 'tɔ drɛ te e ya bɔɛ "blɪdɪ pɛ -ji
dɪ. ɛn "nyian te e ya 'ka 'bɔ 'fli -kɔɔndɪ "tun "a dɪ.
'Pian 'ka 'fli drɛ "wɛnnɔn, -e 'ka min peenun 'sia 'e
'mlin 'ka da. ⁴ Te 'ka 'va min -tɔ 'e 'e 'bɔ 'fli -le 'wɪ 'yi
-wɛɛ "dɪ, 'pian min peenun -le 'wɪ 'yi "nɛn 'e -wɛɛ.

⁵ -Pɔan "tɔwli "nɛn Zozi Crizi -a 'pa 'e 'ji bɛ, -a 'bɔ
nɛn 'e 'kɔn 'ka 'ji.

⁶ Crizi nɛn e ya paan "le Bali -le 'wɪ 'zɔ 'wɪ pɛɛnɔn
drɛdɪ -ji bɛ,

ya'a -wɛɛɛ 'nan 'e 'fo Bali -a -trilii dɪ,

⁷ 'pian 'e 'bli 'si 'wɪ zɪɛ -a da,

ɛn e drɛ "le nɔan -le 'wɪ 'zɔ.

'E 'fli drɛ "le blamin -le 'wɪ 'zɔ,

ɛn e min drɛ wɪ drɛ.

⁸ E wɪ "man, ɛn 'e 'fli drɛ "wɛnnɔn.

'Wɪ nɛn Bali -a 'vɪ -yrɛ "bɛ,

e 'ta 'wɔla "da -trilii,

ɛn e drɛ -a -kadɪ -a.

-Ka zɪɛ, yaa 'wɔ yiba "plan da

"le plɔanzan -le 'wɪ 'zɔ.

⁹ 'Wɪ pɛɛnɔn nɛn yaa drɛ zɪɛ,

-yee "wεan nen Bali -a -tə fε pεenən da.
 En 'tə nen e ci fε pεenən 'tə 'ta lou "bε,
 yaa -nən -yε.

¹⁰ Bali 'tə zιε -a 'pa "man,
 'nan -e laji lou "fenun pεenən
 'lee 'trɛda fenun pεenən
 'lee 'trε 'wlu fenun pεenən
 'o "po -səənla Zozi 'wlu.

¹¹ En "nyian bε,
 -e o pεenən 'o vι 'nan,
 Zozi Crizi a Minsan -a.
 'Wι zιε e ya -kaa "ti Bali 'tə drɛdɪ -dan a.

'Ka 'kən 'ka 'bidɪ 'trɛda "le 'tε 'le 'wι 'zυ

¹²-Yee "wεan 'an beenun, 'ka 'ta wɔla Bali wei da,
 "le zι ka drɛdɪ 'sia 'va bε -yee 'wι 'zυ. 'Wι nen kaa
 -si 'sia bε 'ka yiε -trɔa "da "klandɪ -a Bali lɔ, -e 'e -
 kəən 'nan ka ya 'ka 'sidɪ 'wι 'ji. Wa'a vιε 'nan 'ka
 drε 'an yiε man 'saza dɪ, 'pian -a "yi mlin 'bε nen an
 'ka 'nan dɪε, -e 'ka drε 'e 'ciɪla "da. ¹³-A -cin 'e 'kən
 'ka 'ji 'nan, Bali 'bɔ 'bε ci 'wι zιε -a drɛnan, εn -yεε 'ta
 -tɔa 'ka man 'nan 'ka drε "le zι e ci "va "bε -yee 'wι
 'zυ.

¹⁴ 'Cee 'wι pεenən drɛdɪ -ji bε, te 'ka wunwun "vι
 dɪ, εn te 'ka 'sa -fɔ dɪ! ¹⁵ 'Ka drε zι, -e 'tə 'e vιε 'e
 'pa 'ka man dɪ, -e 'ka 'kən 'saun Bali 'lε. En "nyian
 bε, minnun nen 'wι 'wɪdɪ "drɛdɪ 'ka 'naan o man
 dɪε, -e 'ka 'kən o yei Bali -le 'nennun nen 'wι 'wɪdɪ
 "tɔwli 'ka o man dɪε waa. 'Ka 'bi o yei "le zι mlɛn
 crɛn "bia laji bε -yee 'wι 'zυ. ¹⁶ 'Ka 'tə Bali wei nen e
 'belidɪ nen ya'a 'nyaan dɪε -a -nəan "min lε bε -a da
 'plɛblε. 'Ka drε zιε, -e tɔ nen Crizi -taa "man "bε, 'an
 'ci 'e 'kən 'e "nrandɪ 'ka 'va. 'Wι zιε -yεε -kəənman
 'nan, 'nyranman pεenən nen maan 'pa 'ka 'va 'lee

'an "koe pεεnɔn nɛn maan -nyan 'ka 'va bε, -a "nɛn 'ka 'fɔlɛ 'e "tun "dɪ.

¹⁷ 'Cee yi -tɛradɪ Bali da bε, e ya 'cee Bali -pandɪ -a. -Te waan 'tɛ bε, e ya "le 'nan 'sraga bɔvɛ nɛn waa 'pa 'cee Bali -pandɪ da. -Te 'wɪ zɪɛ e drɛ bε, 'an ci "nranman, ɛn -kaa pεεnɔn 'ci "nranman 'e cin va.

¹⁸ ɛn "nyian "cee 'va zia bε, 'ka 'ci 'e "nran, -e -kaa ci 'e "nran 'e cin va.

Pɔl a "vale 'e Timote "paa -sia

¹⁹ An yi -tɛala Minsan Zozi da 'nan, yaa -si -nɔan -e 'an Timote 'pa "sia 'ka 'va "nyiandɔ. Maan dra zɪɛ -e 'an 'ka 'ta wɪ man, te 'an "koe "a 'e 'tɔdɪ 'an da.

²⁰ Timote nɛn maan "paa -sia 'ka 'va, kɔɔ min pee 'ka 'gɔ te 'ka 'nan wɪ a "man tɪglɪ "le zɪ 'ka 'nan wɪ ci 'an man bε -yee 'wɪ 'zɔ dɪ. ²¹ -Yɛɛ ci 'nan minnun pεεnɔn a 'o 'bɔ 'fli -le 'wɪ "yi -wɛɛnan, 'pian o 'ka 'wɪ nɛn Zozi Crizi ci "va "bε -a -wɛɛnan dɪ. ²² Kaa -tɔa 'ka 'bɔ 'a 'nan, Timote a min nɛn min yi -tɛala "da "bε -a. E 'wɪ dra "le 'nan 'nɛn nɛn 'e "tɪ wei maan "bε -yee 'wɪ 'zɔ. 'E 'fli -nɔn Zozi Crizi -le 'wɪ 'nɔnnɔn vɪdɪ -ji "le 'mɛn 'wɪ 'zɔ.

²³ Timote zɪɛ, -a -cin a 'an 'ji 'nan 'an "paa -sia 'ka 'va "nyiandɔ. Maan "paa -sia tɔ nɛn 'wɪ nɛn e "ta -daa "bɔlɛ 'an man bε, maan -ci ye bε -a man. ²⁴ ɛn 'wɪ 'bɔ zɪɛ -a -ji bε, an yi -tɛala Minsan da 'nan o "sia 'an man -e 'an 'bɔ 'an 'lɔ "nyian 'ka 'va nun.

Epaprodi -le 'wɪ

²⁵ 'Pian 'bε nɛn 'gɔvɛ, e ya "yi -e 'an Epaprodi nɛn -kaa "bɔɪ Zozizan 'a bε, -a li 'e da 'ka 'va. 'Kɔ 'vale -a kɔvɛ 'nyranman 'pa 'e cin va, ɛn 'kɔ 'vale -a kɔvɛ yra 'yɪ 'e cin va. -A 'bɔ nɛn kaa 'pa 'sia 'an 'va, ɛn fɛnun pεεnɔn nɛn kɔ 'e -nɔn 'mɛn bε kaa 'pa -yrɔ.

26 'Ka dra Epaprodi 'bɔ -tɛa 'kpa tɪɡlɪ. ɛn "nyian bɛ -a 'wɪ "naan "man 'nan ka 'yee man "yaadɪ 'wɪ 'man. 27 'Wɪ 'kpa nɛn! -A man yaa 'kpa tɪɡlɪ, -a -kadɪ -fɔla tɔ, 'pian Bali -a nyrinda 'si. Wa'a vɪɛ 'nan -a 'saza nɛn Bali -a nyrinda 'si dɪ. 'An nyrinda -sɛn "nyian Bali da, 'dɔ -e 'an 'man 'e vɪɛ 'e 'fɔ 'yuo dɪ -le "wɛan. 28 Maan "paa -sia 'ka 'va "nyiandɔ, 'nan -e te kaa 'yɪ bɛ -e 'ka 'ci 'e "nran. 'Wɪ zɪɛ e "mɛn 'ci "nranman "nyian. 29 -Te e 'bɔla 'ka 'va nun bɛ, 'ka 'sia ci "nrandɪ -dan a, "le zɪ Zozinɔn -a dra bɛ -yee 'wɪ 'zɔ. Minnun nɛn o 'wɪ dra "le -yee 'wɪ 'zɔ bɛ, 'ka o bɔ 'e 'ciɪla "da. 30 Kɔɔ Zozi Crizi -le 'nyranman 'padɪ -le "wɛan -a -kadɪ -fɔla tɔ. 'Pian 'e 'bli 'si 'yee 'belidɪ ɛ, ɛn e 'pa 'an 'va, ka 'ka 'nan -kogo dɪ -le "wɛan.

3

Zozi Crizi -tɔwli 'bɛ min "sia 'wɪ 'ji

1 'Bɛ nɛn 'gɔvɛ 'an "bɔɪ Zozinɔn, 'ka 'ci 'e "nran 'nan ka drɛ Minsan -le vɛ -a. 'Wɪ -tɔwli "nɛn maan 'vɪ 'cɛɛ 'va bɛ, -te maan ve tian 'cɛɛ bɛ, -a vɪdɪ 'ka 'an "koe 'nyaan "fo "dɪ. ɛn "nyian bɛ e ya 'cee 'wɪ "yi "a.

2 'Ka drɛ "yi min -wɪdɪnɔn va! O Bali -le 'wɪ "paaman min -ji -wɪdɪ. Wɛɛ 'ta -tɔa 'ka man 'nan 'ka 'fɔ -klɔnmɔn -va 'vaa -e 'ka 'kɔn 'saun Bali 'ɛ. 3 'Pian minnun nɛn 'o 'fɔdɪ -klɔnmɔn -va tɪɡlɪ bɛ, -kaa 'bɔ nɛn. -Cɛɛ cɪ Bali -le minnun tɪɡlɪ 'a, kɔɔ Bali 'yee lei 'saun 'nɔn -cɛɛ. -Yee lei 'saun 'bɔ 'bɛ -maan ɛn -kaa "sua. ɛn "nyian bɛ -ka'a yi -tɛala -kaa 'bɔ 'fli -le 'plɛblɛ da dɪ, 'pian Zozi Crizi -le 'plɛblɛ da nɛn -kaa yi -tɛala.

4 'Mɛn vɛ bɛ, an -kɔlaman paan -e 'an yi -tɛra 'an 'bɔ 'fli -le 'plɛblɛ da. -Te min -a ve paan 'nan 'e 'wɪ dra 'e 'bɔ le 'plɛblɛ 'a bɛ, mɛɛn cɪ -a tɛdɛ -a. 5 Kɔɔ

waan 'fɔ -klɔnmɔn -va 'an 'ya yi 'sɔrazan da. En 'an "tɪ 'lee 'an "bʊ "a Izrael 'nɔn 'a. O "sia Benzamɛn -le kunnin -wulo da. Maan ve 'nan Ebre min 'bɛ 'an 'ya, ɛn an ya Ebre 'wɛ tɪglɪ 'a. -Te e ya 'ta wɔdɪ Zuif 'nɔn 'le -pei da -a bɛ, maan drɛ 'sɛzɛ "le Farizɛn 'nɔn 'a dra bɛ -yee 'wɪ 'zʊ. ⁶ An 'ta 'wɔla -pei -tɔ winun da "bʊʊ "le "wɛan, an 'tɛ 'pa -leglizɪ 'nɔn da. -Te e ya min nɛn e cɪ tɪglɪ 'ta wɔdɪ -a -pei -tɔ winun da bɛ, min -tʊ 'ka 'mlinlɛ 'an da 'bɛ 'nan "fo "dɪ.

⁷ 'Winun nɛn "nɛn maan ye 'an 'yɪɛ -goei 'wɪ -dan tʊ -a bɛ, 'bɛ nɛn 'sɪɛn 'gʊɛ Crizɪ -le "wɛan ma'an ye "nyian fɛ -tʊ -a dɪ. ⁸ 'Wɪ 'kpa nɛn! Maan ye 'sɪɛn 'wɪ "tʊn "a, kɔɔ drɛdɪ Minsan Zozi Crizɪ -le vɛ -a bɛ -a "yɪ "mlɪan 'wɪ pɛɛnɔn da. Crizɪ -le "wɛan 'an 'bli 'si fɛnʊn pɛɛnɔn da, ɛn an o ye 'an 'yɪɛ -goei "le bli da -pʊ -le 'wɪ 'zʊ. An ya "vale 'nan Crizɪ 'e drɛ 'mɛn vɛ -a, ⁹ ɛn an drɛ Crizɪ -le vɛ -a. Ma'an wɛɛman "nyian 'nan 'an 'ta wɔla -pei -tɔ winun da, 'vaa -e 'an drɛ min tɪglɪ 'a Bali 'lɛ dɪ. 'Pian maan -wɛɛman 'nan, 'an yi -tɛala Crizɪ da -e 'an drɛ min tɪglɪ 'a Bali 'lɛ. Kɔɔ Bali min "sɪala min tɪglɪ 'a min -le yi -tɛradɪ Bali da man. ¹⁰ 'An 'jɪ wɪ pɛɛnɔn nɛn 'nan 'an Crizɪ -tɔ 'kpa tɪglɪ, ɛn 'plɛblɛ nɛn Bali -a wluan 'a 'kanɔn 'va bɛ, 'e drɛ 'mɛn vɛ -a. En "nyian bɛ, yra nɛn Zozi 'a 'yɪ bɛ "an "yɪ. En -yee -ka nɛn yaa 'wʊ bɛ, an 'sia "le 'nan 'an 'bɔ 'bɛ 'ka. ¹¹ 'Wɪ zɪɛ -a -cin nɛn 'an 'jɪ, -e 'an -kɔla wluandɪ -a -kanɔn 'va "le -yee 'wɪ 'zʊ.

¹² Ma'an vɪɛ 'nan an 'bɔ 'wɪ 'bɔ 'wulo planan 'va dɪ. En -tɛ 'bɛ "cɛɛ dɪ 'nan an drɛ min nɛn -yee 'wɪ a 'e 'lɛ sɔɔdɪ Bali 'lɛ 'va bɛ -a dɪ. 'Pian maan -wɛɛman 'nan 'an 'ko tian 'an 'lɛ -e fɛ nɛn Bali -a 'pla 'an -kopa 'a bɛ 'an yɪ. Zozi Crizɪ 'an drɛ 'yee vɛ -a 'va 'le "wɛan.

¹³ 'An "bʊɪ Zozinɔn, ma'an nrɔnman 'an 'jɪ 'nan fɛ

nɛn Bali -a 'pla 'an -kopa 'a bɛ, maan 'yɪ 'va dɪ. 'Pian 'mɛn ci "nrɔndɪ a -tɔwli, -nyɛn 'nan, 'wɪ nɛn 'bɛ ci 'an -sru "bɛ, 'an 'ci 'e 'san 'bɛ man, ɛn 'wɪ nɛn 'bɛ ci 'an 'lɛ zia bɛ, maan -wɛɛman 'nan 'an bɔ 'bɛ 'nan. 14 -Yee "wɛan maan dra 'nan -e 'an bɔ 'wɪ 'bɔ 'wulo planan, -e fɛ nɛn Bali -a 'pla 'an -kopa 'a bɛ, 'an yɪ. Bali -ta Zozi 'a, ɛn e -kaa laabv 'nan -e -kaa -kopa zɪɛ -a yɪ laji.

15 -Kaa pɛɛnɔn nɛn -kaa cɪ Bali -le 'wɪ 'ji ceje bɛ, -cee 'wulo -ji "nrɔndɪ 'e 'kɔn -tɔwli 'wɪ zɪɛ -a da. -Te min -mienun a 'ka yei 'nan 'ka wei 'ka waa -tɔwli 'wɪ zɪɛ -a da dɪɛ, Bali -taa -a fa 'silɛ 'cɛɛ. 16 'Pian e ya "le 'nan 'wɪ pɛɛnɔn nɛn cɛɛ 'ci 'man 'va bɛ 'ka 'ta wɔla 'bɛ da.

'Ka drɛ Pɔl si drɛnɔn 'a!

17 'An "bɔɪ Zozinɔn, 'ka drɛ 'an si drɛnɔn 'a! Min-nun nɛn -wee 'ta wɔ -pɛ a "le zɪ kaa -nan 'yɪ 'kɔ 'lɔ bɛ -yee 'wɪ 'zɔ bɛ, o nɛn 'o drɛ 'cee 'wɪ -kɔɔn "mannɔn 'a. 18 Maan 'vɪ tian 'cɛɛ 'e 'pa -a "kaga, ɛn maan ve "nyian 'cɛɛ 'an yɾa -le yɪɛ 'yɪ 'a 'nan: Minnun "kaga "a, te -wee 'ta wɔ -pɛ -a -kɔɔnman 'nan o ya Crizi -le yiba "plan 'nanmannɔn 'a. 19 Minnun zɪɛ, o klu -taa 'sɔlɛ 'trɛda, wa'a 'ko Bali va dɪ. 'O 'bɔ ci 'sɔ winun bɛ, -yɛɛ cɪ "le -wee Bali -le 'wɪ 'zɔ. ɛn 'wɪ nɛn kɔ 'e o -tɛ paan 'yɾa -a bɛ, e ya 'pian -wee ci "nran wɪ -a. 'Trɛda winun 'gɔvɛ -a da nɛn 'o 'ci "nrɔnman. 20 'Pian -cee vɛ bɛ, -cee 'fla a laji lou. -Kaa ya Minsan Zozi Crizi man -pennan 'nan 'e 'si 'nan nun -e 'e 'ta -kaa 'si 'wɪ 'ji. 21 ɛ -taa -cee 'trɛda 'kɔlɛ nɛn e cɪ 'e yɾa yɪnan 'gɔvɛ -a man lilɛa -e 'e drɛ "le 'nan 'e 'kɔlɛ nɛn e "bia bɛ -yee 'wɪ 'zɔ. -Yee 'plɛblɛ nɛn yaa -maan 'lɔɔ fɛ pɛɛnɔn a 'e pladɪ "wlu "bɛ -a 'bɔ 'a nɛn yaa dra.

4

1 -Yee "wεan 'an "bυl Zozinɔn, 'ka 'nan wɪ a 'an man "le 'an 'ka yɪ, εn 'cee "wεan 'an 'ci "nranman e -ciala "da. En "nyian bε cεε 'an 'blɔ -tɔa "da. 'Wɪ nɛn kɔ 'ka drε 'lɔɔ -e 'ka 'fυ Minsan -sru 'ta wɔnɔn -a bε, -nyrɛn 'gυ:

2 Evodi 'lee Sɛntik, an toba -fɔa 'cεε 'nan 'ka 'wulo -ji wɪ 'e 'kɔn -tɔwli, kɔɔ ka ya Minsan -le vε -a. ³ En 'i 'bɔ "nyian, i ya 'an 'pa "vazan tɪglɪ 'a. Maan laabo 'i 'lɔ 'nan, 'i 'pa lɪmɔnnun zɪε o va. Kɔɔ kυε 'nyranman 'pa waa Bali -le 'wɪ 'nɔnnɔn vɪdɪ -a. En o 'nyranman 'pa "nyian o 'vale Kleman 'lee 'kυε 'nyranman 'panɔn -mienun -a. Bali o pɛɛnɔn 'tɔ crɛn -tɛ 'yee 'fluba 'ji. 'Yee 'fluba zɪε minnun nɛn 'belɪdɪ nɛn ya'a 'nyaan dɪε e ya -wɪɔ "bε -a -ji nɛn o 'tɔ cɪ.

4 'Ka 'ci 'e 'kɔn tυ pɛɛnɔn man 'e "nrandɪ 'nan 'ka drε Minsan -le vε -a! Maan ve "nyian 'cεε 'nan, 'ka 'ci 'e "nran! ⁵ 'Ka drε wɪ 'e 'kɔn -trɔɔ min pɛɛnɔn 'va. Minsan -tadɪ 'bɔ 'kogo.

6 Te 'ka 'ci "nrɔn 'wɪ 'tɔ da -e 'ka 'wulo -ji 'e 'kυ 'koun dɪ. 'Pian 'wɪ pɛɛnɔn 'ji bε, fɛ nɛn e klɪ 'ka man bε 'ka laabυ Bali lɔ, te ka ya Bali trυ 'banan. 'Ka laabυ -yrɔ, te kaa muo -fɔa. ⁷ 'Ka drε zɪε -e Bali -le -fudɪ -trɔɔ nɛn wa'a kɔɔnman min -le 'wɪ 'tɔdɪ man dɪε, 'e yɪε 'tɔ 'ka 'va, te 'ka 'ci yra "tra, te 'ka 'wulo -ji wɪ a -trɔɔ, ka ya Zozi Crizi -le vε -a -le "wεan.

8 'An "bυl Zozinɔn, maan -fɔala "nyian "va 'cεε 'nan, 'ka 'ci "nrɔn 'wɪ nɛn e cɪ 'e 'sɔdɪ "ji "bε -a da. En 'wɪ nɛn yaa -maan min yɪε "naan min man bε, 'ka 'ci "nrɔn "da. En 'wɪ nɛn e cɪ tɪglɪ bε, 'ka 'ci "nrɔn "da. En 'wɪ nɛn e cɪ 'saun Bali 'lɛ bε, 'ka 'ci "nrɔn "da. En 'wɪnun nɛn min a ye "yɪ εn min "we man "yɪ "bε,

'ka 'ci 'nrɔn "da. En -te 'wɪ 'tɔ a, waa -nan ye min lɔ, te e "sɔa min lɛ en e min 'bɔ 'tɔ dra -dan bɛ, 'ka 'ci 'nrɔn "da. ⁹ 'Wɪ nɛn maan paa 'ka 'ji 'lee 'wɪ nɛn kaa tranla bɛ, 'ka 'ta wɔla "da. En 'wɪ nɛn kaa man 'an da 'lee 'wɪ nɛn kaa -nan 'yɪ 'an 'lɔ bɛ, 'ka 'ta wɔla "da. -Te kaa drɛ zɪɛ, Bali nɛn e -fɔdɪ -trɔɔ -nɔan "min lɛ bɛ, 'e -kɔan 'ka 'va.

Pɔl Filipov 'nɔn muo "fɔ

¹⁰ 'Pa nɛn ka -ta "nyian -a wɔlɛ 'an 'va bɛ, yaan 'ci nran e -ciala "da. En 'wɪ nɛn kaa drɛ zɪɛ -yee "wɛan an Minsan muo -fɔa -dan. Maan -tɔa 'nan, kaa man -wɛɛman tɔ pɛɛnɔn man, 'nan 'ka -taa 'pale 'an 'va, 'pian -si nɛn kɔ 'ka 'sia bɛ ka'a -kɔlale -a yɪdɪ -a dɪ. ¹¹ Wa'a vɪlɛ 'nan fɛ -tɔ 'wɪ a 'an man, -yee "wɛan nɛn 'wɪ zɪɛ an cɪ -a vɪnan dɪ. 'Pian zɪ kɔ 'an drɛ 'lɔɔ -e te an 'ka 'an 'ladɪ min lɔ fɛ da dɪɛ maan -tɔa. ¹² Fɛ nɛn maan ve zɪɛ, -yɛɛ cɪ 'nan -te e ya 'yale -tɛdɪ -a oo, an 'bɛ 'ji ta wo sidɔ. En -te e ya fɛ yɪdɪ -a oo, an 'bɛ 'ji ta wo sidɔ. 'Wɪ pɛɛnɔn nɛn e bɔa "min man bɛ, ma'an koda tɔa -a -tɔ -lɔ "fo "dɪ. -Te e ya -blɪfɛ "kaga yɪdɪ -a oo, en -te e ya dra -tɛdɪ -a oo, en -te e ya fɛ "kaga "yɪdɪ -a oo, en -te e ya fɛ 'ka min lɔ dɪ -a oo, ¹³ 'wɪ pɛɛnɔn zɪɛ, maan "kuan 'an 'pɛ "fli "a Zozi Crizi nɛn 'an 'tɔ -kli -a bɛ -yee "wɛan.

¹⁴ 'Pian 'cee 'pa nɛn kaa 'wɔ 'an 'va 'mɛn yra yɪdɪ -ji bɛ, kaa drɛ "yi. ¹⁵ Filipov flanɔn, kaa -tɔa 'ka 'bɔa 'nan, tɔ nɛn an Bali -le 'wɪ 'nɔnnɔn vɪdɪ pou 'sia, en an 'si 'cee 'lɛglɔn 'ji Masedɔa bɛ, -leglizi -towli "nɛn e 'pa 'an 'va bɛ, 'ka 'bɔ nɛn. En -cɛɛ tɔ -kaa cin wlu 'winun drɛnan. ¹⁶ Kɔɔ tɔ nɛn an ya Tesalonik fla bɛ, cɛɛ 'pa 'an 'va 'e 'pa -a "fli yaa fɛ nɛn -a 'wɪ cɪ 'an man bɛ -a. ¹⁷ Wa'a vɪlɛ 'nan an ya -a -wɛɛnan 'nan

minnun 'o "yi "dre 'men di. 'Pian 'wɪ nen maan -wεeman "buu "bε, -nyren 'nan, 'cee "yi "nen kaa dre 'men bε, 'ka "nen "bli 'e 'ciɪla "da.

¹⁸ Bε nen 'gυε, fε nen kaa -nɔn Epaprodi lε 'nan 'e 'ta -a 'men bε, maan 'yɪ 'e pεenɔn. E 'bɔ maan 'e 'ciɪla "da. 'Cee "yi "nen kaa dre 'men bε, e ya "le 'nan Bali -panvε nen kaa -nɔn, εn -a -koei 'nɔnnɔn 'ko laji -e 'e Bali ci 'sɔ bε -yee 'wɪ 'zυ.

¹⁹ Fε pεenɔn nen e klɪ 'ka man bε, Bali nen maan "sua bε e -taa -a -nɔnlε 'cεε. -A yɪfε nen -a -kɔɔn "manvε "ka "dɪε, Bali -ciɪla Zozi Crizi -va -e 'e 'nɔn 'cεε.

²⁰ -Kaa "tɪ Bali 'tɔ 'e dre -dan 'li 'trilii. Amɛn!

Pɔl 'wɪ 'le 'sran o 'tɔ bvdɪ -a

²¹ Minnun pεenɔn nen Zozi Crizi -le "wεan o ya Bali -le vε -a bε, an 'o 'tɔ bo. -Kaa "buɪ Zozinɔn nen kυ ci waa 'gυε o 'ka 'tɔ bo. ²² Minnun pεenɔn nen o dre Bali -le vε -a bε, o 'ka 'tɔ bo. Mingɔnnennun tazan nen Rɔm bε, -yee "kɔnnɛn 'nɔn nen Bali -le vε -a bε, o 'ka 'tɔ bo 'tandan.

²³ Minsan Zozi Crizi -le "yi 'e 'kɔn 'ka pεenɔn 'va.

Bali -le 'fluba 'trε Zozi blamin pli Bali man 'e 'pee

New Testament in Yaouré

copyright © 1999 Wycliffe Bible Translators, Inc.

Language: Yaouré

Translation by: Wycliffe Bible Translators, Inc.

Copyright Information

© 1999, Wycliffe Bible Translators, Inc. All rights reserved.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Yaouré

© 1999, Wycliffe Bible Translators, Inc. All rights reserved.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 22 Feb 2024 from source files
dated 29 Jan 2022

ff06db1d-9f3b-5426-a70e-8791739b38bc